



GOBERNU BATZARRA

2025.04.29

Alkatea:
Angel Martinez de Rituerto Arregi

Bertaratutako zinegotziak:
Kristina Pelaez Errazkin
Ander Figuerido Zubiria
Aitor Agirresarobe Murgi

Tolosako udaletxean, bi mila eta hogeita bosteko apirilaren hogeita bederatzian, 09:00etan, lehenengo deialdian, Tokiko Gobernu Batzarra bildu da ohiko bilera egiteko. Mahaiburu alkatea izan da eta alboan aipatutako zinegotziak agertu dira, gai-zerrenda hau aztertzeko:

Ez dira bertaratu:
Estitxu Kortejarena Ugarte
Goiuri Ezeiza Arandia

1. Akta hau onartzea: 2025eko apirilaren 15ekoa.

2. Onartzea Tolosako Udalaren eta Laskorain Ikastolaren arteko hitzarmena sinatzea.

Udal idazkaria:
Sara Berasategui Fuertes

3. Dekretu honen berri ematea:
2025/983 Dekretua: 2025/9 faktura zerrendak.

Kontu-hartzaile akzidentala:
Paulino Alonso Eraso

1. AKTA HAU ONARTZEA: 2025EKO APIRILAREN 15EKOA.

Alkateak bilerari hasiera eman ondoren, izenburuan aipatutako akta aztertu dute.

Aho batez onartu dute.



2. ONARTZEA TOLOSAKO UDALAREN ETA LASKORAIN IKASTOLAREN ARTEKO HITZARMENA SINATZEA.

IKUSIRIK

LEHENA.- Hezkuntza Politika Azpisaileko zinegotzi delegatuak, 2024ko abuztuaren 7an, probidentzia bat eman zuela, non ebatzi zuen espediente bat hastea, Laskorain ikastolarekin hitzarmen bat egiteko, Usabalgo egoitzako jolastokia asteburuetan irekitzeko.

BIGARRENA.- Euskara eta Hezkuntza Saileko zerbitzuburuak, 2024ko abuztuaren 7an, hitzarmen-proposamena egin zuela, baita hitzarmena justifikatzeko txosten teknikoa ere.

HIRUGARRENA.- Hitzarmen-proposamenaren arabera, Udalaren ardurapean geratuko litzatekeela dagokion egunetan jolastokia irekitzea eta ixtea. Udalaren asmoa zen lan hori enpresa baten bitartez bideratzea, horretarako lizitazio bat eginda. Egin zen hori, baina hutsik geratu zen deialdia. Hala, hitzarmen-proposamena ezin bideratu geratu zen.

LAUGARRENA.- Egoera desblokeatu nahi duela Udalak, ikusita premia dagoela herrian, eta gaztetxoentzako espazio-faltarekin lotuta arazo batzuk ere izan direla azken asteetan. Korapiloa da jolastokia nola ireki eta itxi, Udalak oraindik ez daukalako modurik zeregin hori bideratzeko. Hortaz, ikastolari proposatu zaio berak egitea lan hori. Onartu egin du.

KONTUAN HARTURIK

LEHENA.- Euskara eta Hezkuntza Saileko zerbitzuburuak, 2024ko abuztuaren 7an egindako txostenean, hitzarmena sinatzea proposatu zuela. Gogora ekarri zuen Udalak badituela gai horrekin lotutako eskumenak, 2/2016 Legeak, apirilaren 7koak, Euskadiko Toki Erakundeei buruzkoak, 17. artikuluan finkatuak: «10. Osasun publikoa sustatzea, kudeatzea, defendatzea eta babestea»; «19. Kirola eta kirol-jarduerak antolatzea eta sustatzea, eta erabilera publikoko kirol-ekipamenduak kudeatzea»; eta «36. Gazteria-politikak planifikatzea, antolatzea eta kudeatzea». Era berean, nabarmendu zuen badela eskaera herrian: Nerabeen Foroak 2024ko maiatzaren 14an aurkeztutako hamazazpi proposamenetako bat da —«*Nerabeentzako toki estaliak erdigunean, eguraldi txarra egiten duenerako*»—, eta Tolosako Herritarren Batzarraren K gomendioa ere lotuta dago horrekin —«13-18 urteko gazteek ez dute sarbide publikoko espazio estalirik inoren tutoretzapean egon gabe egon eta sozializatzeko (batez ere neguan)»—. Tolosako Hezkuntza Mahaian landutako proposamenetako bat ere izan zen jolastokiak zabaltzea.

BIGARRENA.- Euskara eta Hezkuntza Saileko zerbitzuburuak beste txosten bat egin zuela 2025eko apirilaren 10ean, 2024ko abuztuan egindako hitzarmen-proposamena aldatzeko, jolastokia irekitzeko eta ixteko ardura ikastolaren gain gera dadin. Hortaz, ikastolaren gain geratuko lirateke garbiketa- eta mantentze-lanak, aseguruak, eta ateak irekitzeko eta ixteko ardura. Udalak hilean 600 euroko ordainketa egingo dio ikastolari.



HIRUGARRENA.- Txosten juridikoa egin duela Idazkaritza Saileko teknikariak 2025eko apirilaren 14an, eta lankidetzat-hitzarmena sinatzearen aldeko iritzia eman duela.

LAUGARRENA.- Kontu-hartzailertza Saileko teknikariak, 2025eko apirilaren 14an, hitzarmena sinatzearen aldeko txostena egin duela.

BOSGARRENA.- Hitzarmena egiteko eskumena Alkatearena dela, kontuan hartuta zer zehazten duen 7/1985 Legeak, apirilaren 2koak, Toki Araubidearen Oinarriak arautzen dituenak, 21.1 artikuluan. Hala ere, Tolosako alkateak, 2023ko uztailaren 3an, 2023/1707 Alkatetza Dekretuaren bidez, erabaki zuen zenbait ahalmen Tokiko Gobernu Batzarrari eskuordetzea, eta tartean da hitzarmenak onestea, betiere 9/2017 eta 38/2003 legeen aplikazio-eremutik kanpokoak badira. Beraz, Tokiko Gobernu Batzarrari dagokio ebaztea.

Beraz, aurreko guztia aintzat hartuta, eta udal teknikariak egindako proposamena aztertu ondoren, Gobernu Batzar honek, aho batez eta alkateak emandako ahalmenez baliatuta,

ERABAKI DU

LEHENA.- Tolosako Udalaren eta Laskorain Ikastolaren arteko hitzarmena sinatzea.

Honako eduki hau du hitzarmenak:

HITZARMENA, TOLOSAKO UDALAREN ETA USABALGO LASKORAIN IKASTOLA SCL-REN ARTEKOA

Tolosako Udaletxean,

ELKARTURIK

Alde batetik, Aitor Agirresarobe Murgi, Tolosako Udaleko Hezkuntza Politika Azpisaileko zinegotzi delegatua, Tolosako Udaleko idazkari Sara Berasategui Fuertesek lagunduta.

Eta bestetik, Iñaki Olaetxea Amonarriz (NAN: 72475624W), Usabalgo Laskorain Ikastola SCLko zuzendaria (aurrerantzean, Laskorain); egoitza soziala: Usabal; IFK: F20098307.



ESKU HARTZEN DUTE

Lehenak, Tolosako Udalaren izenean eta ordezkaritzan, bat etorrira 7/1985 Legeak, apirilaren 2koak, Toki Araubidearen Oinarriak arautzen dituenak, 21.1 eta 21.3 artikuluetan ezarritako eskumenekin, eta 2023/1718 Alkatetza Dekretuak zinegotzi delegatuei emandako eskumenez baliatuta.

Bigarrenak, Laskorainen izenean.

Bi aldeek elkarri aitortzen diote hitzarmen hau egiteko behar adinako legezko gaitasuna, eta ondorio horretarako

AZALTZEN DUTE

- I. 7/1985 Legeak, apirilaren 2koak, Toki Araubidearen Oinarriak arautzen dituenak, 25.1. artikuluan honako hau ezartzen duela: «Udalerriak, bere interesak kudeatzeko eta bere eskumenen esparruan, auzo-erkidegoaren beharrak eta nahiak betetzen lagundu dezaketen jarduera-mota guztiak bultzatu eta nahi adina zerbitzu publiko egin ditzake».
- II. 2/2016 Legeak, apirilaren 7koak, Euskadiko Toki Erakundeei buruzkoak, 17. artikuluan finkatzen dituela toki-erakundeen eskumenak, eta tartean daudela osasun publikoa sustatzea (17.1.10), kirola sustatzea (17.1.19) eta gazteria-politikak antolatzea (17.1.36).
- III. Tolosako Udalak interesa daukala udalerrian dauden askotariko instalazioak herritarren eskura jartzeko, kirol-jarduerak eta aisialdikoak egiteko, batez ere umeak eta gazteak gogoan hartuta. Herritarren ohiko eskaera da azpiegitura horiek erabili ahal izatea, eta bat dator Udalak kirol-osasuna sustatzeko eta herri bizigarria egiteko duen helburuarekin.
- IV. Laskorain Ikastolak jolastoki estali bat erabiltzen duela Usabalen, zeina baliagarria den Tolosako Udalak herritarrei jolastokiak irekitzeko duen helbururako. Eremu zehatz hori Udalaren jabetzakoa da, eta Laskorainek erabiltzen du, dagokion lagapena formalizatuta.
- V. Laskorain Ikastolak, Tolosarekin duen erantzukizun soziala kontuan hartuta, bat egiten duela Udalak kirol-osasuna sustatzeko eta herri bizigarria egiteko daukan helburuarekin.

Eta ados daudenez, hitzarmen hau formalizatzen dute bi aldeek, honako klausula hauekin:

KLAUSULAK

Lehena. Xedea.

Hitzarmen honen helburua da lankidetzako eremu bat ezartzea Tolosako Udalaren eta Laskorainen artean, jolastoki-azpiegitura batzuk herritarrentzat erabilgarri jartze aldera.

Bigarrena. Jabetza eta lagatzea.

Tolosako Udalaren jabetzakoa da hitzarmen honen xede den eremua; Laskorain Ikastolak baliatzen du, dagokion lagapena formalizatuta. Itun honen helburua da eremu horretako kanpo-patioa eta kirol-espazioa herritarrei irekitzea, zehaztutako ordutegi eta baldintzetan.

Hirugarrena. Egutegia eta ordutegia.

Usabalgo ikastetxeko patioa eta kirol-eremua larunbatetan eta igandeetan erabili ahal izango dira, uztailean eta abuztuan izan ezik, ordutegi honetan: apiriletik urrira, biak barne, 10:00etatik 20:00etara; azarotik martxora, biak barne, 10:00etatik 19:00etara.

Erabilera eskola-ordutegitik kanpokoa izango da betiere. Era berean, azpiegiturak ezingo dira erabili eskola-kiroleko jarduerak edo ikastetxearen bestelako ekintzak egiten ari direnean.

Laugarrena. Irekitzea eta ixtea.

Laskorain Ikastola arduratuko da dagokion ordutegian ikastetxeko kanpoko atea irekitzeaz eta ixteaz.

Bosgarrena. Garbiketa eta mantentzea.

Laskorain Ikastola arduratuko da patioa eta kirol-eremua garbitzeaz eta mantentzeaz.

Seigarrena. Aseguruak.

Laskorain Ikastolak egingo ditu dagozkion aseguruak.

Zazpigarrena. Tolosako Udalaren konpromisoak.

Lankidetz-hitzarmen honen arabera, konpromiso hauek hartzen ditu Tolosako Udalak:

- *Herritarrei informazioa ematea, azpiegitura horiek egoki erabiltzeko helburuz.*
- *Udaltzaingoaren bidez aldian aldiko zaintza-lanak egitea.*
- *Laskorain Ikastolari hileko 600 euroko ekarpena egitea. Ordainketa egiteko, dagokion faktura helarazi beharko du, bi epetan: 2025eko ekainean, maiatzari eta ekainari dagokion zatia, eta 2025eko abenduan, irailetik abendura arteko faktura.*

Zortzigarrena. Hirugarrenei uztea.

Udalak inolaz ere ezin dizkie utzi hirugarrenei hitzarmen honen xede diren azpiegiturak.

Bederatzigarrena. Klausulak ez betetzea.



Hitzarmen honetako klausulak ez badira betetzen, bertan behera geratuko da hitzarmena, eta ez dira ordainduko zazpigarren puntuan jasotako fakturak, osorik edo dagokion zatian.

Hamargarrena. Iraupena.

Hitzarmen hau indarrean jarriko da bi alderdiek formalizatzen duten unean, eta indarrean egongo da 2025eko abenduaren 31ra arte.

Hamaikagarrena. Jarraipen-batzordea.

Hitzarmen hau egoki betetzen dela bermatzeko eta balizko gorabeherak kudeatzeko, jarraipen-batzorde bat osatuko dute bi aldeek. Honako hauek osatuko dute jarraipen-batzorde hori: Tolosako Udaleko Euskara eta Hezkuntza Saileko zerbitzuburu Garikoitz Goikoetxea Etxeberriak eta Laskorain Ikastolako ordezkari Iñaki Olaetxea Amonarrizek.

Hamabigarrena. Iraungitzea.

Hitzarmen hau iraungi egingo da 40/2015 Legeak, urriaren 1ekoak, Sektore Publikoaren Araubide Juridikoarenak, 51. artikuluan ezartzen dituen kasuetan.

Hamahirugarrena. Izaera administratiboa.

Hitzarmen honek izaera administratiboa du, eta, beraz, bere klausulek arautzen dute, eta, bere kasuan, aplikatzekoa den legediak.

Hamalauugarrena. Legeria osagarria.

Hitzarmen honetan araututa ez dagoenean, lege-arau hauetan xedatutakoa beteko da:

- 40/2015 Legea, urriaren 1ekoa, Sektore Publikoaren Araubide Juridikoarena.
- 7/1985 Legea, apirilaren 2koa, Toki Araubidearen Oinarriak arautzen dituenak.

Hamabosgarrena. Gardentasun-ataria.

Hitzarmen honen testua argitaratuko da Tolosako Udalaren gardentasun-atarian.

Eta ados daudela adierazteko, hitzarmena izenpetu dute bi aldeek, nire aurrean, sinaduran ageri den egunean, eta nik, idazkari naizen honek, horren fede ematen dut.

ZINEGOTZI DELEGATUA
Aitor Agirresarobe Murgi

LASKORAINENKO ORDEZKARIA
Iñaki Olaetxea Amonarriz

Nire aurrean,

UDAL IDAZKARIA
Sara Berasategui Fuertes



BIGARRENA.- Hitzarmenaren testua argitaratzea Tolosako Udalaren gardentasun-atarian eta udaletxeko iragarki-taulan, bat etorrita 19/2013 Legeak, abenduaren 9koak, gardentasunari, informazio publikoa eskuratzeko bideari eta gobernu onari buruzkoak, 8.1 artikulua b) atalean xedaturikoarekin.

HIRUGARRENA.- Erabaki hau jakinaraztea interesdunari, Euskara eta Hezkuntza Sailari, eta Kontu-hartzailetza Sailari.

3. DEKRETU HONEN BERRI EMATEA:

2025/983 Dekretua: 2025/9 faktura zerrendak.

ZINEGOTZI DELEGATUAREN DEKRETUA

Tolosako Udaleko Kontuhartzailetza eta Diruzaintza Saileko Zinegotzi Delegatuak, Estitxu Kortejarena Ugartek, bat etorrita Toki-Araubidearen oinarriak arautzen dituen apirilaren 2ko 7/1985 Legearen 21.1 eta 21.3 artikuluetan ezarritakoarekin, eta 2023/1695 Alkatetza Dekretuak, 2023ko ekainaren 30ekoak, zinegotzi delegatuei emandako eskumenez baliatuta.

KONTUAN HARTURIK

21/2003 Foru Arauak, abenduaren 19koak, Gipuzkoako Lurralde Historikoko Toki Erakundearen aurrekontuei buruzkoak, bere 41.2 artikuluan xedatzen duenaren arabera, alkateak aintzatetsiko ditu legez eskuratutako gastuen konpromisoetatik sortzen diren betebeharrak.

Hori horrela, zinegotzi delegatuari dagokio onartzea gastuetatik eratorritako 2025eko honako faktura-zerrenda hau:

9. zenbaki duena, 415.529,81 eurokoa.

Zerrenda horretan sartuta dauden fakturek oniritzi teknikoa daukate eta behar bezala fiskalizatuta daude.

Horiek horrela, Zinegotzi Delegatu honek

ERABAKI DU

LEHENA.- Onartzea honako faktura-zerrenda honetako faktura guztien eta bakoitzaren gastua eta ordain ditzatela agintzea:

9. zenbaki duena, 415.529,81 eurokoa.

BIGARRENA.- Dekretu hau jakinaraztea Tolosako Udaleko kontuhartzaileari eta Tokiko Gobernu Batzarrari.

Ebazpen honek bide administratiboari amaiera ematen dio. Beraren kontra, honako errekurso hauek jar daitezke:

Auzibidera jo aurretik, interesdunak aukera izango du birjarpen errekurtsua aurkezteko Alkateari hilabete bateko epean, jakinarazpen hau jaso eta biharamunetik kontatzen hasita, hala xedatuta baitago Herri Administrazioen Administrazio Prozedura Erkidea arautzen duen urriaren 1eko 39/2015 Legearen 123. eta 124. artikuluetan.

Bestela, birjarpen errekurtsorearen orde, edo errekurtsorearen erantzunaren aurka joko balu, interesatuak administrazioarekiko auzi-errekurtsua aurkez dezake bi hilabeteko epean, erabaki honen jakinarazpena jaso eta biharamunetik aurrera. Errekurso hau, Donostiako Administrazioarekiko Auzien Epaitegian aurkeztuko da.

Agindu eta izenpetzen duena Ogasun eta Finantza Administrazio Saileko zinegotzi delegatuak, eta nik, Idazkari akzidental naizen honek, ziurtatua.

ZINEGOTZI DELEGATUA

UDAL IDAZKARIA

Estitxu Kortejarena Ugarte

Sara Berasategui Fuertes

Batzarkideak jakinaren gainean geratu dira.

Eta besterik gabe, bilera amaitutzat jo dute 09:20ean.

ALKATEA

UDAL IDAZKARIA



Sinaduren laburpena / Resumen de firmas

Titulua / Título:

2025IGBA0011-2025/04/29ko akta/2025/04/29ko akta ()